

園藝曆

鄒盛文編輯

上海新學會
出版

園藝曆

社會學新
版權所有
學社

總發行所上海
棋盤街
交通路口

分發行所
甯波日新街
濟南后宰門

新學會
新學會
新社
新社

特約發行所

廣東共和書局
北京錦章書局
奉天東北儀器館
南京共和書局
雲南新亞書局
各處大書坊

園藝曆序

園藝一道。夙爲吾國先哲所重視。周禮天官。列園圃毓蓀木爲力穡之一。地官辨十有二壤之物。以教稼穡樹藝。更制定園廩之稅。二十而一。以維護之。誠以蔬菜果蔬。關繫民食。不得不與稼穡並重也。輓近世界各國。分業愈甚。園藝之研究亦愈力。不特農學校有園藝科之設。且另闢專校。廣置試驗場。以期精造。故品種之新奇。品質之優良。咸有與日俱進之概。法之花卉。美之果實。日本之蔬菜。所以名震遐邇者。蓋有由也。獨吾國農民墨守舊章。不知改良。農校亦以範圍較狹。未加重視。而食之者則眩於外品之新奇。不惜百方以購求之。外產之珍異愈多。國產之陳窳愈見。遂致輸入年額。竟達數十萬金之鉅。漏卮之本庸非國家之隱憂乎。不佞從事園藝有年。以爲園藝之不發達。實由國內無脈絡一貫之書籍。可爲按時進行之標準。是以業之者。僅能憑一己經驗。以資工

作。而改良種植。厥道無由。爰不自遜。仰體先哲重視園藝之意。旁搜近賢悉心改良之方。證諸學理。參以經驗。舉凡種植管理培養之順序。以及一切應加注意之事項。悉按季節。妥爲分配。編爲園藝曆一書。以備從事斯業者圖驥之索。而冀爲國家經濟上萬一之補救。區區之意。或當爲同志所鑒乎。至審量寒燠。因地制宜。則仍非本編範圍所能盡賅。是所望於業之者之因應變通者也。是爲序

編者識於金陵學舍

園藝曆

目次

一月	蔬菜園作業	果樹園作業	花卉園作業	盆景培養法
二月	同前			
三月	同前			
四月	同前			
五月	同前			
六月	同前			
七月	同前			
八月	同前			
九月	同前			

園藝曆 目次

十月 同前

十一月 同前

十二月 同前

附錄

土壤

肥料

園藝作物移植之注意

分蘖法

園藝用具

園藝植物之病蟲害

蔬菜輪栽及採種法

蔬菜與土質

蔬菜與溫度

蔬菜與水分

蔬菜培肥之標準

草花上盆法

花壇式樣

花壇設備

花壇栽植

花卉莖高之順序及花色之配列

秋季花壇準備

箱室

盆景布置法

盆景用土

園藝曆 目次

附表

蔬菜栽培表

果樹栽培表

花卉栽培表

園藝曆

鄒盛文編

一月小寒（六日）——二十日）
大寒（三十一日）——二月四日）（夏正十二月節）

（一） 蔬菜園作業

製造堆肥 收集園中枯葉敗草。囤積一處。暴露於寒氣中。凍死害蟲及蛹卵等。翻動舊堆肥。使並收前益。

製造農具 預計年內所須農具。如有缺少。應乘此閒暇時間。趕緊添造。有破壞者。即時修補。

整理種子 往年收存各樣種子。於播種前。須預先整理。本月爲一年之始。宜即着手。

施用寒肥。園藝作物須施寒肥者。以本月爲最終限期。種類以廐肥、堆肥、

骨粉等漸効肥料爲佳。間有施液肥者。如薑薑、麥類等。

種植早期應用之豌豆、菜豆、萵苣、二十日藕等、於南向暖地或溫床內。

種植蘆筍（石刀柏）於溫畦。行促成栽培。

定植菜豆、豌豆、茄子等於溫床內。

移植胡瓜、冬瓜等於溫床。

中耕並培土於蠶豆、豌豆等。

覆蓋上年秋植之菜苗。用草藁鋪蓋。預防寒氣之侵入。以免冰凍腐爛。不能生長。

除去暖室內菜蔬之腐敗莖葉。免生蚜蟲爲害。

摘除溫床內薑之新芽。抑制其非時生長。

收穫菜蔬。本月可收穫之菜蔬。有芥菜、牛蒡、薯蕷、獨活、藜蘆、胡蘿蔔、野蜀葵、促成紫蘇、秋蒔萵苣、秋蒔菠薐菜等。

(二) 果樹園作業

銲接園中鐵絲格。修紮竹木籬。以防野獸之竄入。並爲花果時之防範。

踏實樹根土壤。因寒天冰凍。樹旁土壤易鬆。每爲野鼠翻開。嚙傷根部。

移植果樹。果樹移植。以本月爲開始期。暖地在天晴無狂風時。均可着手。

採收接木用接穗。插木用插穗。均以月中爲最相宜。採集以後。各依種類。分束插入通風排水佳良之砂質土中。淺埋之。

試行壓條。利用本月作業閒暇。以試行之。

塗蠟於柑橘類之切面。柑橘類行刪剪後。於較大之切面。應塗以蠟。一則可免樹液之消失。二則可避寒氣之侵入。

(三) 花卉園作業

移植水仙、泊夫蘭、鬱金香、絲毛茛、白頭翁等。

凡時節稍遲或略早之宿根花卉。均可於本月中移植。惟以晴天無風時爲佳。

移植櫻草 先除去附土。擇芽之肥大者。植於盆中。小而瘠者。栽於地上。

根接薔薇牡丹等 砧木有定數時。適用根接法。因一株根可代一株砧木。接法斷根部三寸長爲一株。接以接穗。埋植土中。而俟其生活。

覆蓋石竹、三色堇、遊蝶花等。預防寒氣侵入。無論床、鉢。均須鋪葉保護。

剪定薔薇科各種蔓生花卉。

耕鋤菊花壇土壤。敷堆肥廐肥等。使其腐熟。並輕鬆土壤。便寒氣直入。凍死害蟲及蛹卵等。

添栽風雅樹木 石榴、白石榴、木瓜、狗骨等。均此時極宜移植之風雅樹木。

(四) 盆景培養法

假植室中初謝盆梅 觀賞用之盆梅。久置室中。漸形萎疲。花後急宜假植於戶外。

摘除松杉類枝葉 室中溫度較高。久留則枝葉徒長。有害風雅。應摘其枝葉。

而注意其傷痕。

杜絕灌水於松杉類、竹類、櫻欄、蘇鐵、之盆景中。如室中溫度較高。可稍灌水。以免乾燥。但絕對不宜太多。

清潔橘、佛手柑等柑橘類盆景之葉面。須拂去塵芥。驅除害蟲。以發揚天然之美。置於溫度變化較少之暖室內者。可俟完全成熟時清潔之。以供賞覽。下旬驟將雪柳移入暖室。則花葉同茂。美麗異常。

迎春花行插木繁殖。掘起迎春花之根。節節摘斷。入溫室中。着手扦插。

促成水仙福壽草等開花。見水仙、福壽草等、葉既繁茂。花已含苞。約在開花前十日。速移入室中。則花肥而同時並放。不必早期入室。致徒長其葉。他種花草。葉苞均強盛者。入溫室行開花促成法。花時亦必肥滿可愛。

移花桃入室。增加溫度。使花蕾發育平均。

盆景灌水之時刻。須隨溫度高下而異。溫室內外。法均相同。須擇晴天。以午前

十時至午後二時爲最相宜。水須帶溫。若灌溉非時。或水極寒冷。則容易冰凍。有盆鉢破碎。樹勢衰弱之虞。

溫室窗戶。固宜常閉。惟天晴溫暖之日。午前十時至午後二時間。亦應開啟。以交換新鮮空氣。使室內乾燥。

栽植蒲公英、款冬、筆頭菜等於木箱或瓦盆。爲寒季室內陳設品。亦可添增美觀。

二月

立春(五日——十八日)
雨水(十九日——三月四日)

(夏正正月節)

(一) 蔬菜園作業

深耕休閒地 將土堆起。暴露寒氣中。以殺滅害蟲蛹卵及雜草種子。並流通空氣。

驅除溫室內寄生植物之害蟲及蛹卵 以溫室氣候較暖。所蒔菜蔬。較露天

栽培者、易罹蟲害。故在蟲害發生時候。須盡力預爲驅除。本月爲着手初期。翻動堆肥。

製造農具 破壞者修理之。

編製範圍溫床之草籬等 用稻、麥稈、或玉蜀黍稈密編。中部分層。以細麻線緊緊備用。

施行小規模之排水客土 冀春暑雨水多時。作物安全無患。而收穫增進。

注意早種之蘆筍。及植於鉢中之草莓等。是否安全發育。除去朝鮮薊之覆蓋。使受充分之日光。惟早晚仍宜覆蓋。

施肥於土當歸之根部 一畝地施堆肥八斤。下肥四斤。

種植葱、韭、豌豆、蠶豆、菜豆、萵苣、塘苣、茴香、芫荽、香芹、胡蘿蔔等。俾作初夏生菜用。

作促成栽培蘆筍之床 普通幅四尺。長七十二尺之畦。底面稍隆起。成凸字

形。深約一尺。四周以藥圍之。（南方高一尺北方高一尺五寸東西適宜）內鋪馬糞三分。四五寸長之斷草蘆五分。落葉及塵芥二分。一畝地中並和米糠斗許。高低不平處。用腳實踏。俟所敷各種材料已乾燥。然後灌水。

栽植蘆筍 先選三四年之健全苗。細心掘起。於前述之床內。鋪腐土及塵土二寸許。密植選苗。上加塵土及米糠。約五寸餘。床面覆油紙。以防夜中寒氣之侵入。床內溫度須常保持二十二度至二十八度。栽植後一月。即可逐漸收穫。栽植食用百合 作幅二尺之畦。長短無定。株間八寸。栽植後覆土一寸。毋損其芽。施人糞尿肥。則球根發現斑點。他種肥料均無不可。一畝地約施堆肥一八斤。過磷酸石灰五兩。米糠一斤。補肥用油粕一二斤最宜。

栽植甘藷 先作床。擇溫暖之場地。掘起土一尺許。於四周作高一尺幅四尺長適宜之藥圍。其中置稍腐性四五寸長之切斷藷。和以新鮮廐肥及落葉塵芥等。共厚三寸許。實踏。更於上面加腐土堆肥等。並混米糠二三升。約共厚四

寸。夜間障以油紙。防寒氣之侵入。方法略同種蘆筍。

栽植馬鈴薯 揀定栽植地後。於本月中旬。先行耕鋤。打細土塊。施以基肥。（一畝地施堆肥一二斤。藥灰四斤。過磷酸石灰四斤。下肥三斤。）作幅二尺之畦。株間一尺。選圓形整大。而十分成熟者為種薯。分切為一吋。切面塗灰。然後種植。

移植早種之胡甘藍、胡瓜、甜瓜、草椰菜等。

種植早期應用之甘藍、胡瓜、蔥頭、茄子、花椰菜等於溫床。

分韭根。中耕大芥菜。培肥於落、草莓、寒獨活、野蜀葵等。

收穫菜蔬 本月可收穫之菜蔬、有蔥、芥菜、秋蒔高苣、秋蒔菠薐菜、及促成栽培之薑、蕒荷、獨活、紫蘇、欸冬、茄子、胡瓜、草莓、菜豆。

（二）果樹園作業

搬運苗木種子 本月為搬運苗木種子最適宜之時。惟搬運時。須用浸濕之